



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Friderici Karg Bambergensis Franconis. Pax Religiosa Sive De exemptionibus, & subjectionibus Religiosorum

Karg von Bebenburg, Johann Friedrich

Herbipoli, 1680

II. De præeinentiis Episcoporum localium in Ecclesiis Regularium
exemptorum.

urn:nbn:de:hbz:466:1-38315

no libertatis prohibetur, ne ob antiquæ
 subjectionis memoriam contra suos
 quondam Dominos vocem rumpant;
 id multò magis in Regularibus ab E-
 piscopali jurisdictione quoadatenus ex-
 emptis jure merito obtinet, ut, non ob-
 stante adventitiâ exemptione, quæ sub-
 jectionem solummodo jurisdictiona-
 lem quoadactum; reverentialem verò
 nullatenus sustulit, ad exhibendam E-
 piscopo locali reverentiam teneantur,
 non minùs ac supremi quique Principes
c. Sollicita. 6. ibi: cum alii Reges & Prin-
cipes, Archiepiscopis, & Episcopis suis
(sicut debent) reverenter assurgant & c.
de major. & obed.

CAPUT II.

De præminentis Episcopo-
rum Localium in Ecclesiis Regu-
larium exemptorum.

48 *Episcopus localis retinet in Ecclesiis exem-*
ptis sua Diocesis pristina jura præminen-
tialia & reverentialia.

49. *Solvitur ratio dubitandi.*

50. *Quid non liceat ibidem Episcopo locali?*

51. *Regulares exempti non possunt extrane Episcopo dare licentiam in Ecclesiis suis exercendi functiones Episcopales.*

52. *Abbatēs, prasente Episcopo locali, deponunt insignia, nec solemniter benedicunt.*

53. *Episcopi hac in parte debent esse discreti.*

48. **C**um Exemptio, ut proximè dixi in nonnullis quidem rebus ordinariæ jurisdictionis Episcopalis exercitium impediatur; minimè tamen faciat ut illa Ecclesia non sit in Diocesi ac territorio; nec Episcopo locali antiqua jura sua præeminentialia, & reverentialia auferat; licet Archiepiscopus vel Episcopus in Ecclesia exempta jus visitandi &c: exercere non valeat: adhuc tamen ei pro qualitate casuum, erectio throni, prælatio crucis, delatio pallii, celebratio Pontificalis, facultas habendi sermonem ad Populum, aliaque præeminentiæ, quibus gaudet in reliquis suis Diocesis Ecclesiis, Clem. Archiepiscopo. 2. v. *similimodo, de privil. competunt.*

tunt: Dummodo sub eo prætextu, in locis i-
 fis exemptis, vel circa hoc privilegiatis, nullam aliam jurisdictionem exer-
 ceat; nec personis exemptis, vel privilegiatis molestiam inferat vel gra-
 vamen, nullumque exemptioni, vel privilegiis eorundem aliud præjudicium generetur, nec Archiepiscopo vel E-
 piscopo jus aliud quomodolibet acqui-
 ratur.

49. Ne quis verò Regularis autumet, aliud jus à S. C. Trid. *sess. 6. c. 5.* prohibente, ne quis Episcopus in aliena Di-
 œcesi (cui æquiparatur locus exemptus) Pontificalia exer-
 ceat, inductum fuisse: sciendum est, loca exempta quoad ju-
 risdictionem, à qua videl. tantum exi-
 muntur, censei extranea, adeò ut E-
 piscopus nec eam, nec Pontificalia cum exercitio jurisdictionis permixta, in exemptis ejusmodi locis exercere, in-
 vitis Regularibus, valeat: secus autem, si Pontificalibus quibusque insigniis tantum utatur in prædicando, vel mis-
 sam

sam celebrando, à quorum usu non sunt exempta.

50. Ex dictis sequitur 1. Possè quidem Episcopum in sapredictis Regularium exemptorum Ecclesiis celebrare pontificaliter; at non idem authoritativè demandare, ut alius coram se Pontificaliter celebret. 2. cum indulgentiarum concessio ad jurisdictionem Episcopalem pertineat, eâdem Episcopo non minùs in ejusmodi locis, quàm in ministracione sacramenti ordinis aut Chrysmatis, vel collocacone judicialis Cathedræ interdicti.

§1. Quæri hic potest, an *Regulares Episcopo extraneo dare possint licentiam ejusmodi functiones exercendi?* & respondetur negativè per textum S. C. Trid. allegatum, nisi Episcopus localis expressè consentiat: qui si Extraneum cum ea civilitate tractare recuset, Religiosi alios ei saltem honores exhibere non prohibentur, per quos à cæteris de clero aut populo distinguatur, E. G.

con-

concedendo ei speciale genuflexorium; dando eidem aspersorium aquæ benedictæ in ingressu Ecclesiæ; collocando eum in loco honorificentiore, quin tamen ibi sit forma Throni seu Baldachini.

52. Illud quoque ad subjectionem reverentialem locali Episcopo debitam pertinet, quòd Abbates ac alii superiores Regulares ad decorem Ecclesiarum suarum gaudentes jure mitræ ac baculi, in propriis Ecclesiis, præsentem localem Episcopo, sinè ornatu sedere debeant in loco & sede inferiore; & insignia sua deponant; nec populo solemniter benedicant. Unde in privilegiis addi solet hæc Clausula: *dummodo in benedictione hujusmodi, aliquis Antistes, vel sedis Apostolica Legatus præsens non fuerit.*

53. Discretionem tamen, quæ noscitur esse Mater virtutum, hic opus est, ne forsitan Episcopus affectatè per quandam speciem animositatis, præter morem consuetum, interyeniendo in quibus-

busque functionibus, ejusmodi prærogativarum exercitium continuò impediatur: quo casu recurri posset à Prælati Regularibus exemptis ad S. sedem Apostolicam præcepturam quidem Episcopo, ut ab interventu quandoque consultò desistat; difficulter autem, & vix unquam permissuram, ut eodem interveniente & assistente Episcopo Prælati Regularis peragat functiones prædictas: quod paucis quibusdam notis nisi ex privilegio specialissimo competit, quale Præposito Templi Pacis Romæ à Sixto IV. collatum refert Pennotus.

CAPUT III.

An Regulares exempti, hodie dum subjiciantur Episcopis in materia fidei, festorum, jejuniorum, & publicæ saltem observatione interdictorum generalium locorum?

§ 4. Regula generalis,

§ 50 De